

Մաշտոցի Արձագանգ

Հայաստանեայց Եկեղեցւոյ Սուրբ Յակոբ Կիրակօնօրեայ Դպրոցի ամսաթերթ

Նոյեմբեր 2009 (ԺԷ տարի թիւ 3)

Այս թիւով...

Խմբագրական՝

Խոհեր՝ Հայաստանեայց Եկեղեցւոյ Կիրակօնօրեայ Դպրոցներու 80-Ամեակին առիթով էջ 2

Նոյեմբեր ամսուան բացատրական բառարան: Ս. Հրեշտակապետեր Գաբրիէլ եւ Միքայէլ, Ս. Առաքելալմեր Անդրէաս եւ Փիլիպպոս, Թաղէոս եւ Բարթողոմէոս, Յիսոնակ, Ս. Կոյսին Ընծալումը էջ 3-5

Եկեղեցական բառարան: Թլիփատութիւն Տեառն, Փամագիրք, Իմաստութիւն, Լանջախաչ էջ 6

Մեր Պատարագը «շար. 3» էջ 7-8

Եզակի գիրեր: էջ 8

Մուտք Խոստացուած Երկիր: էջ 9

Երիբովի Անկումը: էջ 10

Հաւատանք եւ Վստահինք Աստուծոյ: էջ 11

Ո՞րն է ճիշդ պատասխանը: էջ 12-13-14-15

30-Ամեակ Սուրբ Յակոբ Կիրակօնօրեայ Դպրոցին: էջ 16



Այբ... Արարիշ

Խաչքարի հեղինակ՝
Ժողովրդական վարպետ,
Ռուիթեն ՆԱԼԲԱՆԴՅԱՆ

Ամսուան Համարը

«Արդ, դուք կատարեալ եղէք, ինչպէս որ
ձեր երկնաւոր Հայրը կատարեալ է:»

Մատթէոս 5.48

Խմբագրական՝

Խոհեմ՝ Հայաստանեաց Եկեղեցւոյ Կիրակնօրեայ Դպրոցներու 80-Ամեակին առիթով՝

Նոյեմբեր 21-ին մենք կը ծրագրենք տօնել մեր Սուրբ Յակոբ Կիրակնօրեայ Դպրոցին 30-ամեակը: Վերջին մի քանի տարիներուն մեր աշակերտներուն թիւլ որոշ անկում մը կրած է, եւ այսօր այն եզրակացութեան եկած ենք թէ Հայաստանեաց Եկեղեցւոյ Կիրակնօրեայ Դպրոցներու բարգաւաճումը կ'ենթադրէ մասնակցութիւնը Հայաստանեաց Եկեղեցոյ բոլոր մարմիններուն, անխտիր:

Եթէ Կիրակնօրեայ դպրոց ունենալը կարեւոր է, ուրեմն այդ կարեւորութիւնը պէտք է յայտնուի Եկեղեցւոյ կիերական եւ աշխարհական անդամներուն աղօթքներուն, խօսքերուն, գրութիւններուն, ժողովներու օրակարգերուն, գործերուն եւ մանաւանդ պիտնէական յատկացումներուն մէջ:

«Հաւատքը առանց գործերու, մեռած է» կ'ըսէ Առաքեալը: Նոյնպէս ալ որոշումներ առանց պիտնէական յատկացումներու կը մնան անկատար: Կիրակնօրեայ Դպրոցը, Եկեղեցւոյ շէնքին եւ ժողովուրդին պէս, վերանորոգման պէտք ունի: Վերանորոգում ծրագիրներու եւ այդ ծրագիրներու գործադրութեան միջոցներուն մէջ, նիւթերու պատրաստութեան եւ ուսուցիչներու կազմաւորման մէջ, որովհետեւ առանց ունենալու նոր ժամանակներուն ճիշդ սերմնացանը, Եկեղեցւոյ անդաստանները դատապարտուած կ'ըլլան անպտուղ մնալու:

Դժբախտաբար, աւելի բարձր մակարդակներու վրայ ալ, Հայաստանեաց Եկեղեցւոյ Կիրակնօրեայ Դպրոցներու 80-ամեակը (1929-2009) կ'անցնի աննշան ճիշդ 75-ամեակին պէս:

Մեր փափաքն ու Մաղթանքն է, որ Հայաստանեաց Եկեղեցւոյ Կիրակնօրեայ Դպրոցներու 80-ամեակը եւ մեր Եկեղեցւոյ Կիրակնօրեայ Դպրոցին 30-ամեակը առիթ մը ըլլայ Հայաստանեաց Եկեղեցւոյ բոլոր անդամներուն անոնք ըլլան կիերական թէ աշխարհական, ընտրուած թէ նշանակուած, ստանձնելու իրենց պարտականութիւնը՝ պաշտպանելու, պահպանելու եւ նոր իրագործումներով դէափ նոր բարձունքներ առաջնորդելու Կիրակնօրեայ Դպրոցները: Եւ ասոր փոխարէն մենք կը խոստանանք թէ Հայաստանեաց Եկեղեցւոյ Կիրակնօրեայ Դպրոցներու աշակերտները, երբ Աստուծոյ շնորհքով դառնան չափահաս, իրենք ալ իրենց կարգին պիտի պահպանեն եւ պաշտպանեն Հայաստանեաց Եկեղեցին:

«Մաշտոցի Արձագանք»

Հայաստանեաց Եկեղեցւոյ Սուրբ Յակոբ Կիրակնօրեայ Դպրոցի ամսաթերթ

Հայաստանեաց Եկեղեցւոյ Սուրբ Յակոբ Կիրակնօրեայ Դպրոցի

կամաւոր խմբակը

Թամար Գիգիրեան, Վերժին Գիւլթանեան, Յասմիկ Նաճարեան, Գարոլ Մանուկեան,
Շողիկ Նաճարեան, Յասմիկ Գանաճեան, Շաղիկ Պոյաճեան, Թորոս Պապիկեան

Նոյեմբեր ամսուան բացատրական տօնացոյց

Ծաբաթ 7	Տօն Սուլր Հրեշտակապետերու՝ Գաբրիէլի եւ Միքայէլի
Ծաբաթ 14	Տօն Սուլր Առաքեալներու՝ Անդրէասի եւ Փիլիպպոսի
Կիրակի 15	Բարեկենդան Յիսուսկի Պահքի
Ծաբաթ 21	Ս. Աստուածածնի Ընծայումը
Կիրակի 22	Ա. Կիրակի Յիսուսկի Պահքի
Ծաբաթ 28	Տօն Սուլր Առաքեալներու Թաղէոսի եւ Բարթողոմէոսի
Կիրակի 29	Բ. Կիրակի Յիսուսկի Պահքի

Տօն՝ Սուլր Հրեշտակապետերու Գաբրիէլի եւ Միքայէլի

Նոյեմբեր ամսուան առաջին կամ երկրորդ Ծաբաթ օրը, Հայաստանեայց Եկեղեցին կը յիշատակէ հրեշտակապետեր Գաբրիէլի եւ Միքայէլի տօնը:

Հրեշտակ կը նշանակէ պատգամատոր, առաքեալ: Նախապէս անոր կը տրուէր երկնային դեսպան, պատգամատոր, սուրբանդակ նշանակութիւնը: Աստուածաշունչը կը վկայէ որ Հրեշտակները իբրեւ լուսեղէն ստեղծուած են առաջին օրը, լոյսի հետ միասին: Անոնք ժամանակի ներգործութենէն չեն ազդուիր եւ սեռական յատկանիշներ չունին:

Աստուածաշունչըն ներս հրեշտակներու մասին ակնարկութիւնները շատ են: Անոնք կը ներկայացնեին իբր բազմաթիւ, մեծագործ եւ զօրաւոր էակներ: Հին կտակարանին մէջ անոնք Աստուծոյ ներկայացնեցները կը նկատուին, միջնորդներ հոգեւոր եւ նիւթեղէն աշխարհներուն միջեւ: Անոնք ունին իրենց դեկավարները որոնցմէ ամենէն աւելի ծանօթ են Գաբրիէլ հրեշտակը եւ Միքայէլը: Հայ միջնադարեան մանրանկարչութեան մէջ, կը գտնենք յատկապէս Գաբրիէլ հրեշտակի պատկերը, Տիրամօր աւետելու ատեն:

Տօն՝ Սուլր Առաքեալներու Անդրէասի եւ Փիլիպպոսի

Անդրէաս առաքեալը Պետրոս առաքեալի եղբայրն է, որ իրեն պէս ձկնորս էր: Ավիգդը Անդրէասը աշակերտեր է Ս. Յովհաննէս Մկրտիչին եւ Յիսուսը գտնելէ ետք, անմիջապէս իր եղբայրը Պետրոսը գտաւ ու ըսաւ անոր «Մեսիան գտանք» «Յովհ. 1.35-42»: Հստ աւանդութեան Ս. Անդրէաս առաքեալ կը քարոզէ Յունաստանի եւ փոքր Ասիոյ մէջ եւ կը նահատակուի X ձեւով խաչի մահով Յունաստանի մէջ:

Փիլիպպոս առաքեալը Բեթսայիդայէն էր, Անդրէասի եւ Պետրոսի քաղաքէն: Յիսուս էր որ երբ Գալիլիա գացած ատեն Փիլիպպոսը տեսաւ, անոր ըսաւ «Հետեւէ՛ ինձի»: Անդրէասն ալ իր կարգին գտաւ Բարթողոմէոսը «Նաթանայէլը» եւ Յիսուսի ներկայացուց «Յովհ. 1.43-51»: Հստ աւանդութեան կը նահատակուի Եփեսոսի մէջ խաչի մահով:

ՅիՍՈԱԿ

Յիսուսկը Յիսուսն օրերու միջոց մըն է՝ որուն ընթացքին կը պատրաստուինք տօնելու Յիսուսի ծննդն ու Աստուածայայտնութիւնը Յունուար 6 ին: Ուրեմն Յունուար 6 էն 50 օրեր ետեւ հաշուելով կը հասնինք Նոյեմբեր 18 ին, հետեւաբար այդ թուականին ամենէն մօտ Կիրակին կը կոչուի Յիսուսկի Բարեկենդան: Կար ժամանակ, երբ Յիսուսկի ամբողջ տեւողութեան պահք կը պահուէր, Ս. Յարութեան նախորդող մեծ պահքին պէս, սակայն ներկայիս սովորական Զորեքշաբթիի եւ Ուրբաթի ապահքերէն զատ երեք շաբթուայ պահքի վերածուեր է: Առաջին շաբաթը Յիսուսկի պահք, Դեկտեմբերին՝ Ս. Յակոբի պահք, իսկ Յունուարին՝ Ծննդեան պահք:

Տօն Սուրբ Առաքեալներու Թաղէոսի Եւ Բարթողոմէոսի
 Հայաստանի մէջ Քրիստոսի աւետարանին քարոզութիւնը առաջին անգամ մուտք գործեց Ս. Թաղէոս առաքեալի միջոցաւ: Աստուածաշունչին մէջ ան նաեւ կը կոչուի Ղերէոս եւ Յուդա: Յիսուսի Համբարձումէն եւոք Ս. Թաղէոս եկաւ Եղեսիա եւ ծանր հիւանդութենէն բժշկեց Արգար թագաւորը: Ան մեր երկիրը բերաւ նաեւ Ս. Գեղարդը որ գործածուած էր Յիսուսի կողը խոցելու խաչափայտին վրայ: Արգարի նամակով Ս. Թաղէոս եկաւ Արտազ Գաւառը՝ Սանատրուկ թագաւորին մօտ եւ դարձի բերաւ թագաւորն ու իր Սանդուխտ կոյսը: Սակայն Արգարի մահէն եւոք Սանատրուկ ուրացաւ իր հաւատքը եւ ծանր հալածանքներ սկսաւ քրիստոնեաներուն դէմ: Նախ նահատակուեցաւ թագաւորին դուստրը, ապա նաեւ Ս. Թաղէոս առաքեալը 46 թուին: Ս. Թաղէի վաճքը ներկայիս կը գտնուի Իրանի մէջ:


Բարթողոմէոս Առաքեալ կը կոչուի նաեւ Նաթանայէլ: Ան Հնդկաստանէն վերադարձին Գողթան գաւառէն սկսաւ իր քարոզութիւնը Հայաստանի մէջ: Հստ աւանդութեան, ան Հայաստան բերաւ Տիրամօր սրբապատկերը եւ Անարիտ դիցուիի մեմեանին տեղ կառուցեց Ս. Աստուածածին եկեղեցին, ինչպէս նաեւ կուսանոց: Հստ աւանդութեան, Ս. Թաղէոս եւ Ս. Բարթողոմէոս առաքեալները իրարու կը հանդիպին Արտաշատի կամուրջին վրայ:



Սուրբ Կոյսի Տաճար Ընծայումը

Մարիամի ծնողը ուխտեր էին, որ իրենց զաւակին պիտի ընծայեն Տիրոջ: Երբ Մարիամ 1 տարեկան եղաւ, ծնողը զինք տաճար տարին՝ Աստուծոյ ընծայելու: Երբ Մարիամ 3 տարեկան եղաւ, ծնողը դարձեալ զինք տաճար տարին եւ յանձնեցին Զաքարիա քահանայապետին: Ծնողը ամէն տարի զինք տաճար տարին մինչեւ Մարիամի 7րդ տարեդարձը:

Եօթը տարեկանէն սկսեալ, Մարիամը սկսաւ ապրիլ տաճարին մէջ: Ան ստացաւ Ս. Հոգիին 7ը շնորհները՝ եւ զարդարուեցաւ 7ը առաքինութիւններով: Ան բնակեցաւ տաճարին մէջ իբրեւ անբիծ աղաւնի, աճեցաւ եւ զարգացաւ հասակով եւ իմաստութեամբ: Մարիամ իր առաքինի վարքով 7ը տարի մնաց տաճարին մէջ եւ ամէն օր հոգիով կը կրթուէր պարկեշտութեան մէջ:



ԱՌԻՆՋԻ Սր. Աստուածածին Եկեղեցի
2000 թ.

Ո՞րն է ճիշդ պատասխանը Հոկտեմբեր ամսուան պատասխանները

Մանկապարտեզի անկիւն

Կ'իրիկնանար, Արձակէ՛, գտնեն, ամայի,
ուտելիքը, հաց, ձուկ, բաւականաչափ
Նախակրթարան Ա. Բ. Գ. անկիւն

1. բ. 405
2. գ. Աստուածաշունչը
3. Մեսրոպ Մաշտոց,
4. Վաղարշապատ
5. դ. Ներսէս Շնորհալի
6. դ. Գրիգոր Նարեկացի
7. գ. Ս. Ղուկաս
8. գ. 25
9. ա. Հինգ հաց եւ երկու ձուկ
10. գ. 12

Նախակրթարան Դ. Ե. Զ. անկիւն

1. բ. 405
2. ա. Հինգ հազարին կերակրումը
3. դ. Թորոս Ռոսլին
4. Ծանաչել զիմաստութիւն եւ զիրատ,
իմանալ զբանս հանճարոյ
5. Հոկտեմբեր 25

6. գ. Աճապարանքով եղած
թարգմանութիւն
7. Հաւատով խոստովանիմ
8. բ. Առակներ
9. Դափիթ Անյաղթ, Մովսէս Քերթող
10. դ. Շաբաթ
Երկրորդականի անկիւն
 1. բ. 405
 2. Մի, Ընդհանրական, Առաքելական,
Սուլը
 3. Մատթէոս, Մարկոս, Ղուկաս,
Յովհաննէս
 4. Աստուծոյ Որդիին՝ Ցիսուի
 5. Մեսրոպ Մաշտոց, Եղիշէ, Դափիթ
Անյաղթ, Մովսէս Քերթող, Գրիգոր
Նարեկացի, Ներսէս Շնորհալի
 6. Մեսրոպ Մաշտոց եւ Եղիշէ
 7. Եղիշէ
 8. Գրիգոր Նարեկացի
 9. Ներսէս Շնորհալի
 10. Դափիթ Անյաղթ

Եկեղեցական բառարան


Թթլփատութիւն Տեսուն կը նշանակէ Քրիստոսի թլփատութեան օրը որ ըստ հրէական օրէնքին կը կատարուի ծննդեան 8րդ օրը: Տօնացոյցը աստուածայայստնութեան 8րդ օրը, այսինքն Յունուար 13 կը յիշէ, սակայն շարականներու եւ երգերու մէջ բնաւ այդ յիշատակութիւնը չկայ: Օրացոյցները կարծեն խուսափիլ ուզելով թլփատութեան յիշատակութենէն միաձայնութեամբ «տօն անուանակոչութեան» կը գրեն:

Ժժամագիրը Եկեղեցական աստուածապաշտութեան մէջ ամենահին եւ ամենաշատ գործածուող ծիսական ժողովածուներէն է: Անոր մէջ կը գտնենք ժամերգութեան գործիւները, մաղթանքներ, քարոզներ, աղօթքներ, ընթերցուածներ, երգեր եւ շարականներ: Ժամագրի հնագոյն անունը մեզի հասեր է Վարդան Մամիկոնեանի դասեր՝ Սրբութի Շուշանիկի վարքի միջոցով: Մեր ժամագրի առաջին կարգաւորողները եղեր են Ս. Սահակ Պարթեւը եւ Ս. Մեսրոպ Մաշտոցը: Դարերու ընթացքին ան ճոխացուեր է տարեր հեղինակներու՝ Ս. Յովհաննէս Մանդակունիի, Յովհաննէս Սարկաւագի, Ս. Գրիգոր Նարեկացիի, Ս. Ներսէս Շնորհալիի եւ այլոց կողմէ:

Իմաստութիւն

Իբոլոր մարդիկ կ'ուզեն իմաստուն ըլլալ, այսինքն՝ ումենալ մտքի այնպիսի կարողութիւն եւ այնքան գիտելիքներ, որ երբեք չսխալին: Չատ հին իմաստասէրներ, ուսումնասիրելով երկիրը եւ անոր արարածները, երկինքը եւ անոր լուսատուները, այդպէս ա'լ չհաւատացին եւ չճնանչցան Աստուած եւ յիմար կոյսերու պէս չմտան արքայութիւն: Ո՞վ է առաւել իմաստուն եթէ ոչ ան, որ միշտ զԱստուած կը փնտոէ եւ կը ձգտի ամէն ինչի մէջ հաճելի ըլլալ Անոր եւ դառնալ Անոր բնակարանը: Սողոմոն իմաստուն Առակաց 1.7 ին մէջ կը գրէ «Իմաստութեան սկիզբը Տիրոջը վախն է»:

ԼՀանջախաչը կուրծքէն կախուելու խաչ մըն է իբր շքանշան կամ պատույ նշան շնորհուած Եկեղեցականներու: Երկու տեսակ լանջախաչ կայ, քահանայական որ պարզ ոսկեզոծ խաչ մըն է մօտ 10 սմ եւ վարդապետականը որ քիչ մը աւելի մեծ խաչ մըն է որուն մէջ խաչելութեան նկարէն պատկեր մը կայ եւ ներքեւէն պատիկ զարդ մը կախուած է: Հանջախաչը կը գործածուի ամէն հանդիսաւոր եւ պաշտօնական պարագաներու մէջ թէ Եկեղեցիներու մէջ եւ թէ Եկեղեցիներէ դուրս:




Հանջախաչ



Հրեշտակի բարձրաքանդակը Աղթամար վանքի
Ս. Խաչ Եկեղեցւոյ ճակատին:

2008 թ թուականը Երջանկայիշատակ Վազգէն Ա. Ամենայն Հայոց կաթողիկոսի ծննդեան 100 ամեակն է: Այս առիթով, Հայաստանի մէջ երկրորդ անգամ ըլլալով արևելահայերէնով վերաբրատարակուեցաւ Վազգէն Վրդ. Պալճեանի առաջին անգամ 1945 թ. ի լոյս տեսած «Մեր Պատարագը» գիրքը: Նկատելով թէ այս գիրքին ներածական տակալին այժմէական է, մեր այս եւ մի քանի յաջորդ թիւերով պիտի ներկայացնենք զայն:



Մեր Պատարագը «Չար. 3»

Դ. Շատերը եկեղեցի կու գան հրապուրուած Սուրբ գրքի ընթերցումներու եւ զանազան աղօթքներու բանաստեղծ ականութեամբ, մեր եկեղեցւոյ զմայլելի երաժշտութեամբ կամ եկեղեցւոյ քանդակներու եւ նկարներու ձեւերուն, գոյներուն ու պատկերներուն համար: Իրապէս գեղարուեստական հաճոյք կը պատճառեն այս բոլորը: Աղօթքներու ու երաժշտութեան բանաստեղծութիւնը լոկ միջոցներ են բուն հոգեւոր ապրումին բարձրանալու համար: Սաղմոսներու եւ շարականներու հեշտալուր երգերը կը քաղցրացնեն ժողովուրդի լսողութիւնը որպէսզի անոնց միտքերը մաքրումն մարմնական հոգերէ եւ երգերով միանան Աստուծոյ հետ:

Ե. Վերջապէս կան մարդիկ, որոնք եկեղեցի կուգան աղօթելու համար սակայն մարդոց ցոյց տալու եւ իրենք զիրենք խաբելու այդ մի քանի աղօթքներով իրենց մեղքերը մաքրուած կարծելով: Ու գոհ, յաղթական տրամադրութեամբ

կը մեկնին տուն: Մարդ մը, որ շաբթուայ 6 օրը ուրիշի աշխատանքը կը շահագործէ, անոր արդար քրտինքի իրաւունքը կը յափշտակէ, կը խաբէ ու կը կեղծէ, իսկ 7 որ օրը եկեղեցւոյ մէջ ժողովուրդի ներկայութեամբ իր «մեղայ Տէրը» կ'աղօթէ՝ վստահ ըլլալով որ անոխակալ ու միշտ ներող Աստուած իրեն ալ կը ներէ: Ու յաջորդ օրը, երկուշաբթի, իր նոյն «գործերը» թեթեւ խիղճով կը շարունակէ: ԶԵ՞ որ յաջորդ Կիրակի կրկին եկեղեցի պիտի երթայ աղօթելու եւ թողութիւն ստանալու համար: Ահա Աստուծոյ բարութիւնը շահագործող մարդու տիպար մը, որ կը խաբէ ոչ միայն իր նմաններուն, այլ նաեւ իր սեփական խիղճը:

Ուրեմն, ո՞րն է այն հիմնական զգացումը որ մարդուն պէտք է մղէ դէպի եկեղեցի, դէպի Ս. Պատարագի խորհուրդը: Ծիշդ պատասխանը կը գտնենք՝ մտաբերելով ու քննելով աւետարանի մէջ Ցիսուսի պատմած այն առակը, որ յայտնի է «Փարիսեցի ու Մաքսաւորը» անունով: Ղուկաս 18.10-14:

Երկու մարդ տաճարին մէջ, իրարմէ հեռու կանգնած էին եւ կ'աղօթէին: Մէկը Փարիսեցի էր, այսինքն՝ հարուստ եւ օրինապահ դասակարգին պատկանող հրեայ մը, որ ընկերային պատուալոր դիրք ունէր: Փարիսեցիները օրէնքները յարգող եւ նոյնիսկ երբեմն ալ բարի գործեր կատարող մարդիկ էին, որոնց համար յարգուած էին ժողովուրդին կողմէ, որպէս տիպար հայրենակիցներ՝ կրօնական եւ ազգային իմաստով, որովհետեւ այդ դասակարգին մարդիկ հոռմեացիներու դէմ կանգնող մտաբնութեան առաջնորդներն էին եւ կը պաշտպանէին հրեայ ժողովուրդի քաղաքական անկախութեան գաղափարը: Իսկ միւար՝ պարզ ու հասարակ հրեայ մը, որ մաքսի գործերով կը զբաղուէր, որուն համար կը կոչուէր մաքսաւոր, գործ մը, որ յաճախ խաբերայութեան գործի կը վերածուէր: Մաքսաւորները ընդհանրապէս անիրաւութիւններ եւ զեղծումներ կ'ընէին, ի շահ իրենց գրանին: Այդ պատճառով՝ «մաքսաւոր» անունը հրեայ

ժողովուրդին համար «խարեբայ» իմաստը ստացեր Էր:

Փարիսեցին թեւերը տարածած, քիչ մը հպարտ ու ինքնագոր կեցուածքով՝ բարձրաձայն կ'աղօթէր Աստուծոյ. «Աստուած իմ, գոհ եմ քեզմէ, որ ես ուրիշ մարդոց նման յափշտակող, անիրաւ, ու շնացող չեմ, եւ կամ ինչպէս այս մաքսաւորը, այլ շաբաթը երկու անգամ պահք կը պահեմ եւ տասանորդն ալ կուտամ»:

Իսկ մաքսաւորը, աւելի հեռուն կանգնած, վախով ու թողով, հազիւ համարձակութեամբ, աչքերը վեր բարձրացնելով կ'ըսէր՝ «Աստուած, ներէ ինձի մեղաւորիս»:

Այս առակը պատմելէ ետք Յիսուս եզրակացուց «Սա իջաւ իր տունը արդարացած եւ ոչ թէ միւսը», այսինքն՝ մաքսաւորը աւելի շատ թողովթեան արժանացած ու աւելի արդարացած վիճակի մէջ իր տունը պիտի երթայ քան թէ Փարիսեցին: Եւ կ'աւելցնէ Յիսուս «... ով որ իր անձը կը բարձրացնէ պիտի խոնարհի, եւ ով որ կը խոնարհեցնէ իր անձը, պիտի բարձրանայ»:

Պարզ է, ուրեմն, թէ հակառակ որ խորքին մէջ մաքսաւորը աւելի մեղաւոր Էր, սակայն, որովհետեւ անոր անկեղծութիւնը, անոր զջումի խոր գիտակցութիւնը եւ աղօթելու, խնդրելու շերմ զգացումը աւելի ուժեղ եւ մաքուր էին, զայն աւելի «արդարացած» դարձուցին, քան միւսը, որ կ'աղօթէր ու մարդկանց եւ Աստուծոյ առջեւ ինքզինք կը գովէր:

Այս առակը, ահա, բաւական է մեզի ցոյց տալու այն ճշմարիտ ոգին, որով պէտք է տոգորուած ըլլայ հաւատացեալը, երբ եկեղեցի կը մտնէ, երբ կը պատրաստուի մասնակցելու Սուրբ Պատարագին: Ահա գիտակցական – զգացական ներքին պայմանը որ, որպէս մղիշ ոյժ, հոգեկան անհրաժեշտութիւն կը ստեղծէ Աստուծոյ տունը գալու եւ աղօթելու:

Միայն մեղաւոր ու սխալական ըլլալու գիտակցութեամբ է որ աղօթքը իմաստ կը ստանայ:

Եզակի գիրեր Հայերէն գիրերով Sudoku								
թ	ա	թ	ե	է	ո	գ	զ	ը
ը	է	գ	թ	ա	զ	ե	ո	թ
ո	զ	ե	թ	գ	թ	ա	է	թ
է	թ	ա	թ	զ	ե	թ	գ	ո
թ	զ	գ	ո	թ	թ	ա	թ	է
ե	ո	թ	գ	թ	է	թ	ա	զ
զ	թ	է	ա	ե	թ	ո	թ	գ
գ	ե	թ	է	ո	թ	զ	թ	ա
ա	թ	ո	գ	թ	գ	է	թ	թ

Նախորդ «Եզակի գիրեր» ուն լուծումը

Ամբողջացուր քառակուսիները գործածելով ա, թ, զ, ո, է, գ, ի, թ գիրերը պայմանաւ որ միայն մէկ անգամ գործածես իլրաքանչիւր գիր իլրաքանչիւր՝

- հորիզոնական գիծի վրայ,
- ուղղահայեաց գիծի վրայ եւ
- ինեակ քառակուսիի մէջ

Մուտք Խոստացուած Երկիր

Ծրջանակի մէջ առ շիտակ պատասխանը:


- Դեբօրան (Դատաւոր 4:4)



- Աստուծոյ յատուկ ծրագիրը Գեղէոնի ըսաւ (6:11)




- Գեղէոն փլեց (6:25)



30,000 3,000 300

- Գեղէոն յաղթեց թշնամի բանակին (7:16) **երեսուն հազար երեք հազար երեք հարիւր հոգիով**

- Գեղէոնի բանակը յաղթեց թշնամիին (7:18)



- Սամփսոն ձեռքերովը սպաննեց (14:16)



- Սամփսոն իբրեւ զէնք օգտագործեց (15:15)



- Սամփսոնի ընկերութիւն էր (16:4)



- Սամփսոն երբեք չէր կտրեր իր (16:17)



Մուտք Խոստացուած Երկիր (շար.)

- Աճանա Աստուծմէ խնդրեց
(Ա. Թագաւորներ 1:11)



արու զաւակ մը բնակարան մը Բեռատեսիլ մը


- Գիշեր մը Սամուելին խօսեցաւ (3:4)



Հեղին



Առան



- Աստուած մեզի շատ մը ձեւերով կը խօսի.

ՄԵԿ ՁԵՒՌ



Հեռախոս



Սուրբ Գիրք



Խաղեր

**Երիքովի Անկումը
Գիրք Յեսուի 6:1-27**





Նախադասութիւնները ճիղդ կարգով ընդօրինակէ
նկարներուն տակ:

- Երիքովի պարհապները ինկան:

- Քահանաները Տիրոջ տապանակին առջեւէն գացին
եւ եօթն անգամ քաղաքին բոլորտիքը պտտեցան:

- Երիքովի պարհապները շատ ամուր էին:

- Ժողովուրդը փոշերուն ձայնը լսեց ու բարձրաձայն
աղաղակեց:



Հաւատանք եւ վստահինք Աստուծոյ

Նկարներուն վրայ գրէ յարմար համարի գիրը

Ա - Արեւելքն մոգեր եկան աստղին հետեւելով: Մատթեոս 2:12


Բ - Աչքերովս տեսայ Փրկիչը որ դրկեցիր բոլոր ժողովուրդներուն որպէս լոյս: Ղուկաս 2:30-32

Գ - Մեսիան, որ կը նշանակէ Քրիստոս այսինքն Օծեալ: Յովհաննէս 1:41

Դ - Ծննդիք զաւակդ Սուրբ է եւ Աստուծոյ Որդի պիտի կոչուի: Ղուկաս 1:35

Ե - Մի՛ վախճաք ձեզի աւետիս մը պիտի տամ որ ամբողջ ժողովուրդին մեծ ուրախութիւն մը պիտի պատճառէ: Ղուկաս 11:9

Զ - Պետրոս նաւակէն իջաւ եւ ջուրերուն վրայէն քալեց դէպի Յիսուս: Մատթեոս 14:2



Ո՞ր է ճիշդ պատասխանը



Ամէն մարդ կերաւ այնքան որ ուզեց: Եւ ինչ որ աւելցաւ, տասներկու կողով լնցուց:

Ամբողջացո՞ւր ըստ Ղուկասի Աւետարանին 9.14-17
 Բինգ, յիսունական, տասներկու, աչքերը, կշտացան, ձուկը,
 հացը, կատարեցին

Որովհետեւ շուրջ ----- հազար մարդ կար: Յիսուս
 աշակերտներուն ըսաւ.

- Նստեցուցէք զանոնք ----- հոգինոց խումբերով:
 Անոնք ----- հրահանգը եւ նստեցուցին բոլորն ալ: Ապա
 Յիսուս առաւ Բինգ ----- եւ երկու -----, -----
 երկինք բարձրացուց, կտրեց, եւ աշակերտներուն տուալ՝ որ
 բաժնեն ժողովուրդին: Բոլորն ալ կերան ու -----, եւ
 աշակերտները աւելցած կտորները հաւաքելով՝ -----
 սակառ լեցուցին:

Ո՞րն է ճիշդ պատասխանը
Նախակրթարան Ա. Բ. Եւ Գ. Դասարաններու անկիւն

- 1.- Որո՞ւ տօնը այս տարի կը տօնենք Նոյեմբեր 14 ին:
 ա.- Ս. Ցովհաննէս Ռուբերան
 Հայրապետ
 բ.- Ս. Գէորգ
 գ.- Ս. Անդրէաս եւ Ս. Փիլիպպոս
 դ.- Բոլոր սուրբերուն
- 2.- Այս տարի Ե՞րբ կը տօնենք Ս. Գաբրիէլ եւ Ս. Միքայէլ
 Հրեշտակապետերուն տօնը:
 ա.- Նոյեմբեր 1
 բ.- Նոյեմբեր 7
 գ.- Նոյեմբեր 15
 դ.- Նոյեմբեր 22
- 3.- Ըսէ հետեւեալը մէկ բառով:
 Կուրծքէն կախուելու խաչ
-
- 4.- Ամբողջացո՞ւր ըստ Առակներու Գիրքին 1.7 ին:
- Ի----- սկիզբը Տիրոջը վախն է:
- 5.- Ամբողջացո՞ւր:
 Ժ---գ---ը շատ հին ծիսական ժողովածու մըն է:
- 6.- Ցիսուի առաքեալներէն որո՞նց տօնը կը տօնենք այս տարի Նոյեմբեր 28 ին:
 ա.- Թաղէնս եւ Բարթողոմէնս

- բ.- Ցովհաննէս եւ Ցակոբոս
 գ.- Անդրէաս եւ Փիլիպպոս
 դ.- Թովմաս եւ Մատթէոս
- 7.- Ցիսնակը, քանի՞ օր է:
 ա.- 5
 բ.- 50
 գ.- 500
 դ.- 5,000
- 8.- Որո՞նք են երկու տեսակ լանջախաչերը:
 ա.- Մեծ եւ պատիկ
 բ.- Խոշոր եւ փոքր
 գ.- Քահանայական եւ վարդապետական
 դ.- Գունաւոր եւ սեւ-ճերմակ
- 9.- Գեղենի բանակը քանի՞ զինուրով յաղթեց թշնամիին:
 ա.- 300
 բ.- 3,000
 գ.- 30,000
 դ.- 5,000
- 10.- Մոգերը որոնք Ցիսուը տեսնելու եկան, ո՞ր կողմէն եկան:
 ա.- Արեւելք
 բ.- Արեւմուտք
 գ.- Հիւսիս
 դ.- Հարաւ

Ո՞րն է ճիշդ պատասխանը

Նախակրթարան Դ. Ե. և Զ. դասարաններու անկիւն

1.- Այս տարի ի՞նչ տօն կը տօնենք
Նոյեմբեր 7 ին:

ա.- Ս. Յովհաննէս Ռոկերան

Հայրապետ

բ.- Ս. Գէորգ

գ.- Ս. Գաբրիէլ և Ս. Միքայէլ

դ.- Ամենայն Սրբոց

2.- Այս տարի ե՞րբ կը տօնենք

Ս. Առաքեալներու Անդրէասի եւ

Փիլիպպոսի տօնը:

ա.-Նոյեմբեր 1

բ.- Նոյեմբեր 2

գ.- Նոյեմբեր 14

դ.- Նոյեմբեր 20

3.- Յիսուսի քանի՞ օր է:

ա.- 50

բ.- 5

գ.- 25

դ.- 55

4.- Ի՞նչ կը նշանակէ Հրեշտակ բառը

Դ-----ն կամ Պ-----ր կամ

Ս-----կ

5.- Ո՞ր հրեշտակը աւետեց Մարիամ
կոյսին Յիսուս Քրիստոսի Ծնունդը:

Գ-----

6.- Այս տարի ե՞րբ կը սկսի Յիսուսի
պահիքը

ա.-Նոյեմբեր 16

բ.- Նոյեմբեր 17

գ.- Նոյեմբեր 18

դ.- Նոյեմբեր 23

7.- Ս. Կոյս Մարիամը իր կեանքի
ո՞ր տարիները անցուց տաճարին մէջ:

ա.- 0-18

բ.- 7-14

գ.- 5-25

դ.- 16-25

8.- Յիսուսի թլիատութեան օրը, օրն
է նաեւ իր:

ա.- Անուանակոչութեան՝ Յունուար 6

բ.- Անուանակոչութեան՝ Յունուար 13

գ.- Տեառլնդառաջ՝ Փետրուար 14

դ.- Տեառլնդառաջ՝ Փետրուար 7

9.- Ամբողջացո՞ւր այս համարը ըստ
Առակաց 1.7 ին:

Իմաստութեան սկիզբը ----- վախն
է:

10.- Մեսիա կը նշանակէ

Ք----- այսինքն Օ----

**Ո՞րն է ճիշդ պատասխանը
Երկրորդականի անկիւն**

1.- Ըստ Մատթեոս 5.48 ին մենք
ինչպէս պէտք է ըլլանք մեր երկնաւոր
Հօր պէս:

Կ-----

2.- Անդրէաս առաքեալը Յիսուսի
ո՞ր առաքեալին եղայրն էր:

3.- Ի՞նչ տօն է Նոյեմբերի առաջին
կամ երկրորդ Շաբաթ օրը:

4.- Ի՞նչ կը նշանակէ Հրեշտակ
բառը

ա.- Դ-----

բ.- Պ-----

գ.- Ս-----

դ.- Ա-----

5.- Հրեշտակները ունին տարբեր
անուններ: Յիշէ՛ երկութը:

ա.- Ս-----

բ.- Ք-----

6.- Մատթեոսի 1.23 համարը «Ահա
կոյսը պիտի յղանալ եւ որդի մը ծնի,
եւ զայն պիտի կոչեն Էմմանուէլ» Հին
կտակարանի ո՞ր համարէն մէջբերում
մըն է:

ա.-Եսայի 7.14

բ.- Միքա 7.14

գ.- Սիրաք 7.14
դ.- Ամբակում 7.14

7.- Քրիստոսի Ծնունդէն 50 օրեր
առաջ ո՞ր օրն է:
ա.-Նոյեմբեր 15
բ.- Նոյեմբեր 16
գ.- Նոյեմբեր 17
դ.- Նոյեմբեր 18

8.- Շարքով գոյէ՛ այն 4 նամակները
որ Պողոս Առաքեալ ուղեց անձերու:

ա.-

բ.-

գ.-

դ.-

9.- Շարքով գոյէ այն 7

Ընդհանրական նամակները որոնք կը
յաջորդեն Եբրայեցիներուն նամակին:

ա.-

բ.-

գ.-

դ.-

ե.-

զ.-

է.-

10.- Ի՞նչ է Աստուածաշունչի վերջին
բառը:

Կիրակնօրեայ Դպրոցի 30-Ամեակի Հանդիսութիւն

30-ամեակ

Ս. Յակոբի Կիրակնօրեայ Դպրոցին

Հովանաւորութեամբ՝

Գեղշ. Տ. Խաժակ Արք. Յակոբեանի

(Առաջնորդ Գանատայի Հայոց Թեմին)

ԲԱՆԱԿԽՈՍՈՒԹԻՒՆ ԵՒ ԹԵՅԱՍԵՂԱՆ

Կը Բանախոսէ

Հոգշ. Տ. Գեղարդ Վրդ. Զիւսպեկեան

(Թեմին Զրիստոնեական Դաստիարակութեան Խորհուրդի Վարիչ)

Նիւթ՝

Հայ Մանուկին Կրօնական Դաստիարակութիւնը

Վայր՝

Հայ Կեդրոնի Աւետիս Ահարոնեան Սրահ

Թուական Եւ Ժամ՝

Ծաբաթ, 21 Նոյեմբեր 2009-ի

Երեկոյեան 7.00-ին:

ՄՈՒՏՔԸ ԱԶԱՏ

ՏԵՂԵՐԸ ԱՊԱՀՈՎԵԼՈՒ ՀԱՄԱՐ

ՀԱճԵՑԵՔ ՀԵՇԱՁԱՅՆԵԼ ՀԵՏԵՒԵԱԼ ԹԻՒԻՆ 514-331-5445 x 202